



ინტერინგ. „სოციალისტურმა“
იუმორის გ. ჟურნალი

აშუაპირი აქაოთაქი



№ 14

მხ. ციცი, ქარ. აშხ.



- რით არის სავსე თანამედროვე მკითხველის თავი.

„საქართველოს“ „გმირები“

დ. კახელის მეოხებით „საქართველოს“ რედაქციაში ჩვენი მამულის უწარჩინებულესი გმირები მოგროვდნენ და თანაც დროს შესაფერი სამხედრო დისციპლინა დამყარდა.

— აბააა, დააა იიი წყეთ!

გასძახა დ. კახელმა და მთელი შვიდეული გმირებისა ერთ კაცსავეით დაემხო ახლად შეძენილ სატახტო გაზეთის ფურცლებზე დებ. კარლო ჩხვიძის სიტყვას.

— გაბაშვილო! შენ ს-ანზე ეძებე, იქნებ საქართველო იყოს ნახმარი.

— მესმის, ბატონო!

— ბორჩალოვლო! შენ ი-ნზე დასძინებ იქნებ „ივერია“ ეწეროს, გახსოვდეთ, რომ ესეც ჩვენი სამშობლოს სახელია.

— მესმის, ბატონო!

— კასრაძე! შენ გ-ანზე აავლ-ჩაავლე თვალი. ვინ იცის იქნებ „გრუზია“ იყოს ხმარებული.

— განზე სად იქნება, ბატონო. აქ სხვა წერილებია!

— „ვარსკლავის მომიჯნავე“ ქალაქში მოგზაურობას თავისი კვალი დაუტოვებს შენთვის, ჩვენო სიამაყვე! დაუფიქრდი ჩემს ბრძანებას.

— მესმის, ბატონო.

— ამირჯიბო! შენც გ-ანს დააკვირდი, იქნებ „გურჯისტანს“ გადაეყარო. ესეც ჩვენი მამულია.

— მესმის, ბატონო.

— შენ ქ-ედია! შენც გ-ანს მიაქციე ყურადღება, ვინ იცის, იქნებ „გეორგია“ იყოს ნახმარი.

— მესმის ბატონო.

— ჩხირიიი წინ!

გმირებმა სპიჩკის ღერები ისეთის სისწრაფითა და მოხდენილობით გავლ-გამოავლეს შავ რაზმებათ დაწყობილ პწკარებს, რომ გულს სიაქე მოეფინა და ჩემს თვალწინ აღსდგა საომრად დარაზმულ ჩვენ წინაპართა გაათრებულნი იერიშის არჩილი.

— სჩანს ჯერ კიდევ არ მოდუნებულა ქართველის მარჯვენი მეთქ, განვივლე გულში..

ისინი, გმირები, კი სტრიქონს სტრიქონზე აწვედნენ, მუსრავდნენ და ჰკაფავდნენ. მხოლოდ აქაიქ თუ შეჩერდებოდა მათ ხელში მოვლვარე სპიჩკის ღეროები.

— ლალატია!

მრისხანეთ დასჭექა რევაზო გაბაშვილმა, რომელიც სხვებზე ხელ-მალი და მეტი ტემპერამენტის პატრონი აღმოჩნდა.

ის პირველი გაიჭრა წერილის ბოლოში და ს-ანზე საქართველო ვერსად აღმოაჩინა.

— გაგვიდეს!

დასჭყივლა მ. ბორჩალოვლმა. ივერიის ხსენებაც არსადა სჩანს.

— მამულს ყელი გამოსჭრეს!

სახარელი ხმით დაგრგვინა დ. კასრაძემ.

და ასე ერთი მეორის მოყოლით გაისმოდა დარბაზში გულის შემზარავი და გრმნობათა აღმგზნები ყივილი გმირებისა. აღელვება იმ ზომამდე ავიდა, რომ მოსალოდნელი იყო სპიჩკის ღეროებით აღჭურვილთა ქუჩაში გამოჭრა და რომელმე ს. დემოკრატისათვის დედის შეგინება.

ღმერთმა უშველოს ისევ დ. კახელს და მის რკინის დისციპლინას.

— სიიი-წყნააა-რეეე!

დასჭყივლა მან და დარბაზში კვლავ სამარისებური სიჩუმე გამეფდა.

— მეგობრებო! განაგრძო დ. კახელმა, — ჩვენს ღირსებას არ შეეფერება ლაჩრული დუმლიო. საჭიროა დებეშა.

— აი ბატონო!

— აი ბატონო!

— აი ბატონო!

გაისმა დარბაზში და ყველამ ელვის სისწრაფით ამოიღო ჯიბიდან საპროტესტო დებეშის დედანი.

— რევაზ გაბაშვილო! თქვენ პირველმა ამოიღეთ ქაღალდი, წაიკითხეთ.

რევაზ გაბაშვილი კითხულობს:

— ჩვენ აღშფოთებულნი (წაშლილია) ჩვენ საშინლად გაბრაზებულნი (კიდევ წაშლილია) უზომოდ აღშფოთებულნი და ბრაზმოსულნი (ესეც ხაზგადასმულია) აღნაშფოთარნი და აღნაბრაზებნი თქვენის. (წაშლილია) გულ განრისხებულნი ზიზლით. (გადაშლილია) უკიდურეს მწვერვალამდე გაათრებულნი თქვენი აღსაშფოთებელი... (წაშლილია) საქართველოს სახელით აღშფოთებულნი და გულ-განრისხებულნი ჩვენ ლაჩრული... (წაშლილია).

— მშვენეირია! მეგობრებო, საჭიროა ვიცოდეთ მზადა ვართ მოსალოდნელი გამოსვლებისათვის, თუ გვჭირია კიდევ სანზადისი. რუსეთ-გერ-

მანის ომმა ყველასათვის თვალსაჩინო გაჰხადა, თუმცა მე ეს უწინაც ვიცოდი, თუ წინასწარ მომზადებას რა დიდი მნიშვნელობა აქვს. გმირობასა და გაბედულებას ჩვენ თვით ბრძოლის დემორტიკ ვერ დაგვიწუნებს, მაგრამ მზადებ ამინც საჭიროა. მეგობარო რევაზ! იარაღი ბევრი გვაქვს.

— ხუთი რევოლვერი უკვე გავთალე ბატონო ჩემო; სამს კიდევ ვთლი. ეს ოხერი ჯოხები გაძვირდა, თორემ ამდენ ხანს ერთი დუქინი მაინც მექნებოდა მზათა.

— ჩინებულა! კავალერიის საქმე როგორ არის მეგობარო დავით კასრადვე!

— საუცხოვოთ, ჩვენო სიამაყევ! ამ წინაზე ქიზიყში გვახელი, სადაც ფარული მოლაპარაკება მქონდა „ვირუკებთან“. შვიდი ცალი უკვე დავიკვეთე ჩვენთვის და ერთ-ორს ბარგისათვისაც ვიშოვნით. გარდა იმისა, რომ ეს ცხოველები მომთმენი და ჯიუტნი არიან, მათი სიმღერაც ჩვენთვის სმენის მომხიბლავი და მტერთათვის თავზარდამცემია.

— გმადლობ საქართველოს სახელით ღირსეულო მამულიშვილო. ვხედავ ყველაფერი მზათ ყოფილა, მხოლოდ ჯარი არა გვყავს. მაგრამ გმირთათვის ჯარი რა საჭიროა გასული წლების ტრადიცია თავდებია ჩვენი ბრწყინვალე გამარჯვებისა. აწ საჭიროა დავიშალოთ. იარაღით ქუჩაში ნუ გამოხვალთ! წიიინ წა!

ყველამ იქვე საფერფელზე დააწყო თავ-თავისი საქურველი და მზათ იყვნენ ქუჩაში გამოსასვლელათ, რომ დ. კახელმა მოულოდნელათ იკითხა:

— რევაზ გაბაშვილი! რა ეწერა ჩხეიძის სიტყვაში!


— არ ვიცი, ბატონო! მე მხოლოდ ს-ნს ვეძებდი.

— მე ი-ნს ვეძებდი!

— მე გ-ანს ვეძებდი!

— მეც გ-ანს ვეძებდი!

ეშმაკი.



სხანს ვიხნოვ, ქვას ვიხნოვ, კაქს ვიხნოვ.

(ოსმალოური ლეგენდა)

იმ დროს, როდესაც ოსმალოებმა ფეხი მოიკიდეს ევროპის ტერიტორიაზე, ამაყსა და ძლიერ სულთანს მოახსენეს, რომ, ერთი კაცი დადის სტამბულის ქუჩებში და გაიძახის: „კაცს ვიცნობ, ცხენს ვიცნობ და ქვას ვიცნობო. ასე დილიდან საღამომდის დადის და ერთს და იმავეს გაიძახისო. სულთანმა ბრძანება გასცა ის კაცი მასთან მოეყვანათ. რამოდენიმე წუთის შემდეგ, სულთანის წინაშე იდგა შუა ხნის, ახოვანი, მოხდენილი კაცი და თავდხრილი სალამს აძლევდა.

— სადაური ხარ? ჰკითხა სულთანმა.

— ყარიბი გახლავარ. უპასუხა უცნობმა და წელში გაიმართა.

— მე გავიგე, რომ შენ ქუჩებში გაიძახი:— კაცს ვიცნობ, ცხენს ვიცნობ, და ქვას ვიცნობო. მართალია ეს?

— მართალი გახლავთ დილო ხელმწიფევ! კაცს ვიცნობ, ცხენს ვიცნობ და ქვას ვიცნობ, მოახსენა ყარიბმა და სულთანს უფრო გაბედულათ შეხედა.

— მაშ თუ ასე გამოიცანი ჩემი ცხენი რა ჯიშის არის. მხოლოდ კარგათ დაფიქრდი უბედურო, თორემ თუ შესცდი, იმ წუთში თავს მოვაკრევენებ, უბრძანა სულთანმა და ყარიბი ეზოში ჩაიყვანა, სადაც იმისი საუკეთესო მერანი გამოეყვანათ. ყარიბმა ცხენი აათვალ-ჩაათვალიერა, გავაზე ხელი გადაუსხვა და სულთანს მოახსენა:

— დილო ხელმწიფევ, ეს ცენი საუკეთესოა ყველა ცხენებში, მაგრამ... კამეჩის ჯიშისა არის და მიიყვან თუ არა წყალზე მაშინვე შიგ ჩაწვება.

სულთანი ცნობის მოყვარეობამ გაიტაცა, ცხენი შეაკანმვინა, შეაჯდა და მახლობელ წყალში ჩაიყვანა. შევიდა თუ-არა ცხენი წყალში, მაშინვე შიგ ჩაწვა. სულთანი ახლა დარწმუნდა ყარიბის სიმართლეში და ბრძანება გასცა: მისთვის ბინა მიეცათ და დღეში ერთი ხელი საქმელი და ერთი პური ეძლიათ. შემდეგ მიუბრუნდა ყარიბს და უბრძანა.

— ახლა აბა ეს ქვა გამოიცანი, რა ქვაა, ან რა ღირსებისაა, და მტრედის კვერცხის ოდენა გა-

თლილი ბრილიანტი მაგიდაზე დაუდო. ყარბმა ქვა ხელში აიღო კარგად დაათვალიერა და სულთანს მოახსენა.

— დიღო ხელმწიფევ, ეს ქვა როგორც ხედავთ საუკეთესო ბრილიანტი არის და მასთან ისეთი ხელოვნებით არის ნათალი, რომ ფასიც არ ღირს, მაგრამ... ყველა ეს გარეგნულია, შიგნით კი უბრალო, შავი ქვა სძვეს და ბრილიანტი მხოლოდ გარშემო ასხია. ამ სიტყვებმა სულთანი მეტათ განარისხა.

— რას ამბობ ყარბო, ეს ქვა მეგვიპტის სულთნისაგან მაქვს ნაჩუქარი და ყალბი როგორ იქნება. მე მაგ ქვას ვხლავე გავსტეხ და თუ შენი სიტყვები ყალბი გამოდგა, ჩემი ხელით მოგაკვეთ მაგ ცოდვილ თავს.

— თქვენი ხმალი, ჩემი კისერი, მიუგო ყარბმა და არხეინათ დაატყერა სულთანს, როდესაც ეს უკანასკნელი ძვირფას ბრილიანტს ამტვრევდა. სულთანის განცვიფრებას საზღვარი აღარ ქონდა, როდესაც ბრილიანტიდან უბრალო შავი ქვა გამოვარდა.

— შენ მართალი გითქვამს ყარბო, ბრძანა სულთანმა, და ასეთი გამოცნობისათვის მე, შენ გინიშნავ დღეში ორჯერ საჭმელს და ორ ჰურს. ყარბმა მადლობა გადაუხადა და წასვლა დაპირა, რომ სულთანმა ხელით ანიშნა დარჩენილიყო. ყარბი შესდგა და სულთანს თვალებში ჩაატყერდა.

— კიდევ რას მიბრძანებთ დიღო ხელმწიფევ.

— შენ ცხენი და ქვა გამოიცანი, ახლა ისიც უნდა გამოიცნო თუ მე რა კაცი ვარ.

— დიღო მბრძანებელო, მაგის გამოცნობა ჩებთვის ადვილია, მაგრამ თქმა კი ძნელი.

— რისთვის? მრისხანებით შეეკითხა სულთანი და ყარბს თვალებში ჩაატყერდა.

— თქვენი განრისხების მეშინია მბრძანებელო.

— სთქვი, ნუ გეშინია მე ცუდს არას გაკადრებ.

— პატიოსანს სიტყვას ვითხოვ რომ არ დამსჯი?

— გაძღევ, უბრძანა სულთანმა და ცნობის მოყვარეობამ უფრო ააღებლა.

— მაშ დამითიცუთ დიდებულო, მოკრძალებით წარმოსთქვა ყარბმა და სულთანს მიაშტერდა. სულთანი ისე იყო საკუთარ ფიქრებში გართული რომ აღარც-კი ესმოდა ყარბის სიტყვები. ის იგონებდა თავის წარსულს და ანგარიშობდა. თუ რა ჩაუდენია მას ისეთი სამიზო, რომ ყარბს იმის თქმისათვის ფიცის ჩამორთმევა დასჭირდა, მაგრამ,

მან ასეთი ვერაფერი ვერ იპოვა თავის განლილ ცხოვრებაში.

— ფიცავ აღაპს! თითქმის ინსტიქტიურად წამოიძახა მან და ყარბს გულისძვირით მიანერდა.

— დიღო ხელმწიფევ უნდა მოგახსენოთ, რომ თქვენ მეტად გულკეთილი და მართალი კაცი ბრძანდებით, მაგრამ...

— სთქვი, სთქვი!

— მაგრამ თქვენ მეფურნის შვილი ხართ.

— რა სთქვი სულელო! როგორ გაბედე მაგის თქმა, წამოიძახა სულთანმა და ყარბისკენ წაიწია, მაგრამ ისევ შესდგა და თავდახრილი ჩაფიქრდა.

— მე მაგას გამოვიძიებ და თუ შენი სიტყვები არ გამართლდა სასტიკათ დაგსჯი.

— დიღო ხელმწიფევ, ეს ხომ ძნელი გამოსაკვლევია აბა ვის უნდა ჰკითხოთ, რომ მართალი გითხრას.

— დედას. უბასუხა სულთანმა და სახეზე მოწყენა დაეტყო.

— ვაი თუ დედა თქვენის სირცხვილის დეფარვის მსხვერპლი გავხდე.

— არა, ფიქრი ნუ გაქვს, სიმართლეს აღვადგენ. ბრძანა სულთანმა და თავის კაბინეტში გავიდა.

ორი დღის შემდეგ ყარბი კვლავ იღვა სულთანის წინ და გულის ფანქვალით მოელოდა მის ბრძანებას.

— შენი სიტყვა გამართლდა ყარბო. მე ქეშ-მარიტად მეფურნის შვილი ვყოფილვარ. რაკი მამაჩემი უშვილოთ მოხუცებულა, რომ ტახტი უმემკვიდროთ არ დარჩენილიყო დედაჩემი საახლის მეფურნეს დაახლოვებია და მეც იმისი შვილი ვყოფილვარ. მაგრამ ეს უნდა გამაგებო, როგორ გამოიცანი შენ ის თუ მე მეფურნის შვილი ვიყავი და არა ნამდვილი სულანის.

სულთანის სიტყვებით განარებული ყარბი ეხლა წელგამაგრებული იღვია და არაფრისა ეშინოდა.


— სულ უბრალოდ დიღო ხელმწიფევ-უბასუხა ყარბმა— როდესაც მე ცხენი გამოვიცანი თქვენ მაშინ ერთი ხელი საჭმელი და ერთი ჰური დამინიშნეთ. როდესაც ქვა გამოვიცანი, მაშინ კი ორი ხელი საჭმელი და ორიც ჰური. თქვენ რომ ნამდვილი სულთანის ჩამომავლობა ყოფილიყავით, ასეთი გამოცნობისათვის უქვევლათ ჩინს და დიდ სამსახურს ჩამაბარებდით და არა ჰურების ულუფას გამიდიდებდითო.



ქვიცი იქლიუს ტრაქირცნცე



ავტორმა იტენ ზორიას .აბოტყ
.იუტენ პიუიბტ გერმანელთა ჰაეროპლანიდან ჩამოგდებული ყუმბარის აფეთქება.



სიკვდილის გზა.

ეს სტეფანეან პიუფოპ შეთაშიგ ცემფიიტი
-აბაქ თან .პენტრუფენესაქუ პინროპიუოქს
-ეუ ანტრეპეგნდგ ინი,იოფი ისიტენსქუაფიგ სოთეუ

დეპეშები.

ფოთი. ჩვენმა სააგენტომ უმაჯთულო ტელეგრაფით ცნობა დაიჭირა დიდი კუნძულიდან „უტუგრადს“ მიმავალი: „დიდი ხანია უკვალოთ დაკარგული **დ. გუბელაძე** კუნძულზე იმყოფება და ჩვეულებრივ „მოღვაწეობს“ რისთვისაც გაიგზავნა განსაკუთრებული მოხელე და გამოიკვლია შემდეგი: კუნძულზე ერთ ფარულ ადგილას **დ. გუბელაძის** თაოსნობით დაარსებულა და მოქმედობს „ემიგრანტთა კლუბი“¹⁾ სადაც თავს იყრიან „ემიგრანტები“ დღით საძებნელათ და ღამით „გასართობათ“ და რომელსაც უმაჯრესათ კერძო „შემოწირულებით“ ინახავს თურმე ბ-ნი გუბელაძე და დიდ მადლობას უცხადებს ბ.ბ. „შემოწირველებს“ რომლებმაც არ დაიშურეს თავიანთი წვლილი ამ საქმიზა და გადასცეს **დ. გუბელაძეს**, აი „შემოწირველთა“ სია: ნ. ნორაკიძე 5 მ. ა. გალოგრისა ერთი ვერცხლის საათი. „ეკონომიამ“ 2 მ. 40 კ. ს. კილურაძემ 5 მ. დ. ბოკუჩავამ 5 მ. გ. მარგალიტაძემ 5 მ. ლ. ხუბუამ 5 მ. ნ. არჯევანიძემ 10 მ. ი. ლომთათიძემ 4 მ. 20 კ. ტ. გუნია 25 მ. (დამშეულ ქალადიდლების სახელით) ს. ო-ძემ 41 მ. („აზრის“-ს რედაქციის სახელით) აგრეთვე მადლობას უცხადებენ „კლუბის“ წევრები ბ-ნი გუბელაძეს ენერგიულ მოქმედებისათვის.

ბუტუნას სააგენტო.

მაკვანეთი დიდი შეტაკება მოხდა თეკლესა და მესაკურთხეთა შორის. მიზეზი ეკონომიურია. მესაკურთხეებს საკურთხი მონაზვნებისთვის უნდოდათ, თეკლე კი მღვდლისკენ ეზიდებოდა. არჩეული იქნა კომისია, რომელიც გამოარკვევს: ვისი შეჭმუსაკურთხი უფრო არგებს მიცვალებულს— მღვდლისა, თუ მონაზვნების.

იქიდანვე. უკვალოდ დაეკარგა ქირისუფლებს: ყ. კა—ლი, გ. ბყ.—მე და ი. სკ—ა. ტყვეთ წაყვანილი ეგონათ. მაგრამ აღმოჩნდა, რომ ე. ქ—თან ბანქოს შეექცეოდნენ. სამი დღე ცდილობდნენ ისეთი მიზნის მიღწევას, რომ ყველა მოთამაშენი მოგებულნი ყოფილიყვნენ, მაგრამ არ მოხერხდა და დაიშალნენ.

დაწუნებული

¹⁾ ეს „ემიგრანტები“ ყველა ერის და ფერის არიან თურმე და ემალეებიან მევალებს, ცოლ-შვილს, ოჯახს და საზოგადოთ პირდაპირ მოვალეობას.

ჭიათურა. გაიხსნა კლუბი. ინტელიგენტთა ერთმა ჯგუფმა თავისუფლად ამოისუნთქა. ფარული თამაში სახიფათო იყო და ისედაც დამწუხრებული გული ვეღარაფრით გაერთოთ.

გორდები.

უჩხუბი. დაარსდა ორგანიზაცია, რომლის მიზანია ადგილობრივი მღვდლის გადადგება. ორგანიზაცია ენეგიულად მოქმედობს. ყუბარების მაგივრათ ისერიან ქვეებს, რითაც მღვდელს ჩაუშვრიეს ფანჯრის შუშები. ბრძოლამ სამ თვეს გასტანა, მაგრამ მღვდლის შტატი (უკაცრავათ შტაბი) უვნებლათ გადაჩა.

ბ. ბზიკაძე.

სუმბათოვო. ინტელიგენცია მეცხრე წელიწადია ეძებს ადგილობრივი „პარკის“ პატრონს და ჯერაც ვერ აღმოაჩინა.

მეოცდაერთე საუკუნის დაშლევამდე გადაიდო სუმბათოვოს ბორჯომიდან გამოყოფის საკითხი, ვინაიდან ჩვენი სოფელი მხოლოდ მაშინ იქნება სრულ საუკუნოვანი.

უცნობი.

ტობანიერი. აქ არსებობს „აფთიაქის მტვრეველთა საზოგადოება“. დამფუძნელ წევრთ: პ. ნ—მეს; ი. ლ—ვას და ადგილობრივ სამმართველოს წევრებს ამ ბოლო დროს ცოტა უმოქმედება ეტყობათ. საჭიროა მეტი ენერგია.

კბილის მატლი.

სუფსა. ერთი წევრი ადგილობრივ სანიტართა კომისიისა შემთხვევით დუქნების უკან გასულიყო და სიბინძურეში სული შეჭხუთოდა. მას შემდეგ ჩვენი სანიტარები მხოლოდ დუქნების წინ ავლჩამოივლიან ხოლმე ორ თვეში ერთხელ. დუქნების უკანა მხარე, ფურნების ოთახები და სამზარეულოები მათთვის მიუღვამელია, იქ დაგუბებულ სულშემხუთავ გაზების გამო.

მაენე.

ველისციხე. ადგილობრივ ქსენონი უკანასკნელ დღეებშია. სიცხე ხან აუწევს, ხან დაუწევს. მდგომდგომარეობა უნუგეუოა. არშაკ ყაზაროვის გარდა მას ქირისუფლობს ადგილობრივი მეაფთიაქე, რომელმაც ქსენონის ავთამყოფობის დროს მეორე კანტორა დაიდგა ფულუებისათვის.

იქიდანვე. ვინაიდან სოფლის მსაჯულებს კანონის უტოდინარობას უსაყვედურებენ, მათ საბოლოოთ გადაუწყვეტიათ აფრიკაში გაემგზავრება და



იქაურ ტომებში გამოცდილების შექმნა. ამ კეთილ განზრახვას ეწინააღმდეგება მხოლოდ მარტო მწერალი. ის ამბობს: - კაცებო ეს ოხერი ჩემი სწავლა განვითარება ძლიერს გამომიყენებია და კიდევ რო შევიძინოთ ამდენ ჭკუას საღდა დავატყვითო.

იქიდანვე. ჯოჯოხეთს ერთი ნიგუზალი აკლდაო იტყვიან და ველისციხესაც ასე დაემართა. სოხუმიდან დაბრუნდა ვაჭარი „ეშმაკგიოთ“ წოდებული.

ობობა

სოფლის ფერშალი.

(შარჟი ერთ მოქმედებათ)

ღარიბი გურული გლეხის ბინა. ლოგინზე წევს ავთმყოფი, 18—19 წლის ვაჟი. ავთმყოფის სარეცელს უსხედან მნახველები, რომელთა შორის გამოირჩევიან ახალგაზრდა სტუდენტი და ევროპიულათ ჩაცმული ადგილობრივი პროვინზორი. ფარდის ახდისას ყველა მოლოდინშია: ფერშალი უნდა მოვიდეს. აინდება თუ არა ფარდა, შემოდის ერთი ჭირისუფალთაგანი.

ერთი ჭირისუფალთაგანი. მოვიდა, მოვიდა. (ისევე კარში გაბრუნდება ფერშალის შემოსუფანათ).

საერთო მოძრაობაა. ყველას კარებისაკენ უჭირავს თვალი. ავთმყოფს საბანს უსწორებენ.

მეორე ჭირისუფალთაგანი. (ფანჯი-ფუცით მივა მეორე კარებთან და გასძახებს): ფერშალი მობრძანდა, ტაშტი და წყალი შემოიტანეთ... პირსახოცი კიდავ!..

შემოდის ფერშალი, რომელსაც წინ მიუძღვის ერთი ჭირისუფალთაგანი. ფერშალი შუა ხნის კაცია. ეტყობა, თავის გარეგნობას ყურსდღებას არ აქცევს. წვერ-ულვაში კი ხნის გაუკრეჭავი აქვს, წვირიანი გახამებული საყელო აქვს, ბანტიანი ძველი გალსტუკით, რომელიც უკან, კისერზე, ამოვარდნია და საყელოს ასცილებია. ძველი პიჯაკი, უკან ტყავ-გამოკვრებული შარვალი და მაღალ-ყელიანი წალები. ძველი პალტო აცვია. ხელში მათრახი უჭირავს. შემოსვლისას ყურადღებას არავის აქცევს. პალტოს გაიხდის და მათრახს და პალტოს შემომყოლ ჭირისუფალს აძლევს. შემდეგ სათვალეს გაიკეთებს ცხვირის წვერზე, თვალის ერთი მოვლებით გადახედავს სუყველას და ავთმყოფისკენ წავა. გზაში ხელს ართმევს იქ მყოფებს, ისე კი, რომ არავის უყურებს და არც ჩერდება ხელის ჩამოსართმევათ, უკეთ რომ ვთქვათ, უკან-ხელგაშვრილი მიდის ავთმყოფისაკენ და მწყრივით დამხმდარი მნახველები ართმევენ ხელს, ვისაც მისი გაშვრილი ხელი შეხვდება.

ფერშალი. (თავისთვის) ია, ზნაეტე, დავნო საბირალსა, ზნაეტე, ვაბშჩე ზნაეტე... შტო სნიმ... ონ ხადილ, ზნაეტე... ვაბშჩე ბალნიე პუგაიუტსა,

ზნაეტე... (ამ სიტყვებს გზაში იტყვის, ხელის ჩამართმევს დროს. ავთმყოფის ლოგინზე ჩამოჯდება, არც კი შეხედავს ავთმყოფს, ისე ელანაკაკება) ნუ, შტო, ბოლენ? (საბანს გადახდის და ტეიპლს უშინჯავს, მაგრათ უხედავს მუცელს და ჭკითხავს) ბაღიტ? ბალიტ? **სტუდენტი.** (შეატყობს, რომ ვერ მიხვდა და უთარგმნის) გტკივაო?

ავთმყოფი. დიახ, ბატონო! მტკივა.

ფერშალი. და, ზნაეტე, სელეზინკა, ზნაეტე... დააა, სელეზინკა, ზნაეტე.. პაკაჟიტე იაზიკ?

სტუდენტი. ენა მიჩვენეო!

ფერშალი. (ავთმყოფი ენას გამოყოფს) ეშჩო!.. ეშჩო! ეშჩო.. და, ზნაეტე, ჟელუდაკა, ზნაეტე, ზაპერტა ზნაეტე... (თვალებს გაუფართოებს ხელით და უტკერის, სისხლნაკლება ხომ არააო) ზამეჩაეტსა მალაკოვიე, ზნაეტე... (ურბე შესწევს შინჯავს, თითქმის არც კი დაუწეაო, ავთმყოფს დაეუბნობა მარჯვენა ნიდაეფით, ვითომ ჯიბეში იყოს და არც ცოცხალი კაცი და სტუდენტს მიანერდება სათვალის ზემოდან) ნუ... კაღდა ვი პრიეხალი?

სტუდენტი. Я ужъ давно здѣсь, почти мѣсяць.

ფერშალი. ნუ შტო, დლინნაია დაროგა?... ზნაეტე, ტრუნდო ი დაროგა... დაღენო ბიტ, ზნაეტე...

სტუდენტი. Да дорого, но мы, студенты, ъздимъ экскурсий.

ფერშალი. კაკ? ჩერეზ კურსკ? და ზნაეტე, ეტო კაროტკაია დაროგა, ზნაეტე, ჩერეზ კურს, ზნაეტე...

სტუდენტი. Вы меня не поняли... экскурсия—это...

ფერშალი. (მიხვდა რომ სსსსციფო მდგომარეობაში ვარდება და ავთმყოფის გაშინჯავს უბრუნდება) ნუ კაკ?... დახნიტე... ეშჩო... ეშჩო.. დინანიტე ხრიპიტ, ზნაეტე... (სტუდენტს) ვი კაკომ კურსე პე-რეშლი?

სტუდენტი. Я на третьемъ курсѣ.

ფერშალი. პერკუსიუ პრახადილი?... ნა მერტ-ვეცე, ზნაეტე, ტამ, უნივერსიტე, ზნაეტე?

სტუდენტი. На трупѣ, да, въ анатомическомъ театрѣ...

ფერშალი. ნეტ, ზნაეტე, ნე ტეატრ, ზნაეტე, უნივერსიტეტე, უ ვას უმირაიუტ მერტვეცი... (კიდევ ავთმყოფს მიუბრუნდება თავის დასასწავლათ) ვოტ, პასლედიტე... პერკუსია ზნაეტე... ვოტ ზდეს (უკა-

კუნებს ავთმოფოს გუფზე) გოლოს რაზდაიოჯსა, ზნაეტე, ა ჩემ დალშე ვნიზუ, ზნაეტე, გოლოს პრიტუპლაეტსა, ზნაეტე, პასტეპენო პრიტუპლაეტსა, ზნაეტე.. ი ვოტ! (ააჩაყამდე ჩაყადა) სავსემ ნე სლიშნო, პატამუშტო ზდეს ლოხკიხ ნეტ.. ზნაეტე... სავსემ ნეტ, ზნაეტე.. (ავთმოფოს) პე-რვეერნიტეს!

სტუდენტი. გადაბრუნდიო! (ავთმოფოფი გადბრუნდება, ფეჩმალი ასლას ზუჯეს უსინჯავს და იშქოკებს იმასვე, რაც გუდის გაშინჯვის დროს სთქვას).

ფერშალი. ვოტ! პრიტუპლენიე, ზნაეტე! (გაშინჯავს თავს ანებებს და სტუდენტს უხსნის) პოჩკი, ზნაეტე, ვიხოდიტ იხ სლიზისტოი აბალოჩკი, ზნაეტე... კაპილარნიე ვენი პალოპაიუტსა, ზნაეტე, ი ნაჩინაეტსა კროვობარკანიე, ზნაეტე... ეტო, დალენო ბიტ, ნა მალარიონომ პოჩკე, ილი ნა გემორიტალონომ... და, ზნაეტე... ვსე მი, გურიიცი, სტრადემ მალარიეი... (გადახედავს უუჯას და ხმა-მადლას) ვსე! (ხაზგასმით) ბალნი მალარიეი... ვსე! (უცებ ნაცნობს შენაშავს) უჰი (ხელს ჩამოართმევს) (სტუდენტს) ტევერ, პულსაციუ პასმოტრიმ... (ავთ-მოფოს მჯვას დაუჭერს, საათს ამოადებს და სტუდენტს მიუბრუნდება) ნუ, შტო, კაკ უ ვას უნივერტეტე? ვავარიტ, ვსენ პრინიმაიუტ...

სტუდენტი Какъ всѣхъ?

ფერშალი. ვსეხ, ზნაეტე... ფელშეროვ...

სტუდენტი. Нѣтъ, этого я не слыхаль!

ფერშალი. ა კაკ შე, ვადაქკოროა, ველ პაეხალ? უჩიტსა ვ უნივერსტეტე... ია ტოჟე, ზნაეტე, ხაჩუ პაეხატ..

სტუდენტი. Аа, это на частныхъ курсахъ!

ფერშალი. და, ზნაეტე, ჩისტო პასეშჩაიუტ ლექციი...და... ვავარიტე ტამ ტრუდნო, ზნაეტე, ხიშია ზნაეტე, „ხაშ დვა“ ი ტაკ დალეე... ზნაეტე... (მჯვას ხელს გაუშვებს) პულსაცია ტოჟე ზამედლენა, ზნაეტე... ი ვაბშჩე ბალნოი ზნაეტე...

სტუდენტი. Каково ваше компетентное мнѣніе?

ფერშალი. (ვერ მიხედა) კაკ?

სტუდენტი. Ваше компетентное мнѣніе на счетъ больного?

ფერშალი. ნიკაკიხ კამფეტოვ ი ვაბშჩე, ზნაეტე, სლადოსტეი, ზნაეტე, ნე ნადა დავატ, ზნაეტე... ია ნაპიშუ დეკარსტო, ზნაეტე, ი დამ, ზნაეტე...

სტუდენტი. Въ какой дозѣ?

ფერშალი. (ვერ მიხედა) კაკ?

სტუდენტი. Дозу, я говорю..

ფერშალი. ლოხა! ეტო, ზნაეტე, კაკოე ნი-ბულ ნოვოე სრედსტვო, ზნაეტე, შარლატანსტვო!

(დასასრული იქნება)

მარტყოფის საზოგადოებას.

ამ ცოტა ხანში წავიკითხე გულდამწვარ ლუსკა ქუჩუნელის წერილი (ეშმაკის მთარახი № 9, კვირა 5 ივლისი), სადაც მწუხარებით აღნიშნავდა „იოსება დობტურის“ დაკარგვას. ამის შესახებ მარტყოფის საზოგადოებას შემდეგს მოვახსენებ: აქეთკენ (ს. გურჯაანიდანა გწერო, სიღნ, მაზრა) დაი-არება ერთი კაცი მხარზე პატარა ტოპრაკ გადა-კიდებული, რომელშიაც სხვა და სხვა წამლები ულავია. სახელად ზოგი „ჩალვადარ იოსებას“ ეძა-ხის, ზოგი „სოსიკო ფერშალს“. ეს კაცი მე პირველად ვნახე, მაგრამ ბევრია მისი ხშირად მნა-ხველი. წამლებს ვარია-ქათმებზედ და ღვინოზედა ჰყიდის. ძვირად აფასებს მეჭადრე ერთს წამალს: წერილი, ფეტვის ოდენა, მარცვლებია, თეთრი ფე-რისა „სკროფოლოზო“-ს ეძახის; მისი სიტყვით, ეს წამალი ყველა ავად-მყოფობასა შეეღოს. სხვათა შორის კაცს სხვა და სხვა ცუდს ხასიათის მხარეს უკარგავსო. ეს წამალი შევიძინეთ სამი მისხალი. დაგვიჯდა სამი ჩაფი ღვინო, რომელიც ჩვენი შემ-ნახველ-გამესხნებელ ბანკის გამგეობას უნდა გადა-ვაცლაპოთ, იქნებ არგოს ამ წამალმა, საქმეს კარგად მოუარონ, ნათლი მამობა მოიშალონ, ერთმანეთის კინკლაობა და ფულის ქამა. ჰო, იმას მოვახსენებ-ლით, ამნაირი კაცი დადის აქეთ. თვლითვიდან მო-ლიოდა ამ ქამაჟ, ყველა სოფელი მოვიარეო. თან ურმით ღვინო მოჰქონდა, ოციოდე ქათამიც მოჰ-ყავდა; წამლებში შეეგროვებინა. ორი დღე იქნება აქედან ილაზნის გაღმა წავიდა, გაუგია იმერელ-ოსებში ცოტა ფერშლებიაო. „ჩალვადარ იოსება“ შუა ხნისაა, შუა ტანისა, წვერი ქალარა შერთული აქვს, ასე ერთი ცილის სიგრძისა. თვალთ აკლია: წამლებს შინჯვის დროს ცერათ უყურებს. თავზე გახუნებული „კარტუზი“ ჰაურავს, რომელიც ზე-მოდან რგვლად შეავათაა გაქონილი ოფლისაგან. ტანზე დაგლეჯილი საზაფხულო პალტო აცვია. ხელში ტარ-მონხრილი ქოლგა უჭირავს. ფეხზედ „პოლსაპოქკები“ აცვია, რომელშიაც ორ-ორი თი-თი უჩანს, შარვლის ტოტები ჩამეხებული აქვს. უკეთუ ამ კაცის ნიშნები გეცნოთ, მიიწერეთ ალაზნის გაღმა ერთ-ერთ სოფელში; ან რა მიწერა უნდა, წამლები შემოჰკლებოდა და მგონი მაინც წამოვა, საეაქროს დასამაზადებლად.

„იოსებას პატიენტი“



ს. ოქროსქედდან.

(გურული სტენისებურა)

— ნიკოიას გაუმარჯოს ღმერთმა. როვა აღრე ამდგარხარ კაცო და საპრაზნიკოთაც გამოწყო-ბილხარ!.. სამარგელი გაათავე თუ რაფერაა შენი საქმე?...

— ევჰ, ყბას ნუ მიქცევ თუ ღმერთი გწამს!.. ჩვენი მაცხოვრებელი არტენაის გადამკიდეს არც სამარგელს აქ ხვაი და არც სათოხავს!.. არ იქნა გაბრიელ, არ მეისვენა მისმა ძირში მისალზობმა ხელებმა... ყოველ დღე ჩხრეკს რაცხა აბდა-უბდას და ხან ამას ასშენს და ხან იმას. რამდენი კაცი დასჩაგრა მაგ ღვთის მტერმა და წაახდინა, მაგას წაახდენს მისი გამჩენი...

— კაცო, იმ ხუცის ამბავი ქვეყანამ იცის, მარა ამ ცის იალონზე შენ სად მიეჩქარები?..

— როვა სად მივეჩქარები... იი ოჯახაშენებულეები, კატამ რომ კული გააქანოს—იმასაც გახეთში დასწერენ და ამ ხუცესმა რომ ქვეყანა დააქცია, ამაზე კაცი ყურს არ აპარტყუნებს... ახლა ვინცხა უნდა მოვნახო და ყოლისფერი დუუწიგნო. არაა დასაწერი თუ?!—მაგი წვერგაწეწილი ხუცესი არ იყო, როგორც ამბობენ გოგიას, აღმასხანას და სოლომონას რომ გადიეკიდა და საშველი არ მისცა, ფშიონობა ქენით, პოლიციას უთხარით ჩვენს სოფელში ხალხი ბუნტობს და ყოველდღე კრებას მართავს და ამიზა თქვენ ჯამაგირს მოგცემენ და ფულიანი კაცები შეიქნებიო... მერე... მერე კიდევ რამდენი კაცი გადაასახლებია მაგ ღვთის მტერმა, მაგან... ბარე სამი კაცი როვაც ჩივიან იტანამი მოშორდა მის ცოლ-შვილს მაგის წყალობით და ხუთი კიღო ბახეში თურმე... მაგი არ იყო ბახვის ხუცესს „უმოციქულა“ ეფისკოპოზთან ბარე ოთხი კაცი სხვაც მიაყოლა, რაიო და პარტიის წევრებიო, ქვეყანას აბუნტებენო... ერთი ახლაც დაკარგულია მის წყალობით და სხვებს რაცხა ქი ეშველა ღმერთით... ხოდა, ახლა თურმე კიდევ იმ საცოდნავ, უღვთოთ დატანჯულ სარდიონა ხუცესს ციმბილშიც აღარ აყენებს... ჩივიან, ყოველ დღე უგზავნის დანოსებს, ეგება ვადის შესრულების შემდეგ კიდევ არ გამოუშვან და შტატი არ დამეკარგოსო... ერხანს მასავით წვერგაწეწილ ბარნაბას ედავებოდა ოზურგეთის დიდბოჯის შემწეობით, მარა მოვსქამე ქირი ბახველებს—კულ ამოძუებული გამუაბუნძულეს უკან, ხოდა, ასე ღვთის პირიდან

გადავარდნილი რომაა აი ჩვენი მოძღვარი-არტენაი—ჰოი, ეშმაკებმა დატენა მისი სული და ხორცი,—არაკაცი გამოჩნდება მადლიანი, აი მისი ამბავი ასე კაკლა—კაკლაი რომ ეილოს და გაზეთში ჩამიწეროს!..

— როვა არა, კაცო, შენის არ იყოს ყოლიფერს კი სწერენ იმ გაზეთში და მაი ხომ დღესავით ნათელი ამბავია... მაგის მოწმეთ მეც დაგიდგები თუ კი დაგპირდება, ჩემო ნიკო!..

ს. ოქროსქედელი.

გამოცანები.

(ს. რვანი).

დასახელებულ სოფელში
არის ერთი მეტი-ჩარა;
თავი მსხვილი, ენა გრძელი,
მოტიკტიკე წარა-მარა.
კარტი უყვარს „დახურული
ოთუზ-ბირი“ ან, „კონჩინა“,
და თუ ვინმე ეთამაშა,
ცარიელს გაუშვებს შინა.
ჩარჩობაში პირველია,
საწყალ ხალხს გააძრო ტყავი,
„საზოგადო მოღვაწეა“
ღმერთმა მთხოვა მი'ი თავი.
ვინც რომ ამას გამოიცნობს
ფფიცავ გამჩენს, ფფიცავ ზენას,
კვირისათვის გაუგზავნი
კოხტათ შემწვარ ძროხის ენას.

ბოლოკი.

სიზმრად საიქიოში

(ნესტორ წერეთლის გარდაცვალების 10 წ. შესრულების გამო. ძღვნათ გუბელებს, კუხელებს და სხვ.)

I

ტრახ, ტრახ, ტრახ, ტრახ, ტრახ, არ ვიცი რათა, ჩვენს დიდს მოღვაწეს არ ჰქონდა ზარი, და ჩემი ორი ნაკეცი თითით, იძულებული, შევსძარი კარი!.. კარი გამიღო. „მობრძანდი“, მითხრა, რაზედ გასჯილხარო, გვიბრძანეთ, გვარი?!




— რა საჭიროა ბატონო გვარი!
ჩვენ განვიზრახეთ, რომ ჩვენი ვალი...
— „რაო, რის ვალი? რა დროს ეგ არის?!
ათი წელია რაც ვარ მკვდარი
და თქვენს საჩივარს, თქვენე კანონით,
დაკარგული აქვს, მე მგონი, ხანი.
ან რას მიჩივით, მქონდა ხუთასი
კი მართალია, ვინ გიყოთ ვარი,
მთელი მიდამო, სახლი და კარი
იქ, დაგიტოვეთ, თქვენი არ არი“?
— ბატონო, თუმცა მე დავალეებით
აქ არ მოვსულვარ მოგთხოვით ვალი,
მაგრამ, რადგანაც თვითვე ინებებ,
ნება მომეცი გითხრა მართალი.
— „ბრძანეთ, ოღონდა ყოველი სწორი,
თორემ მკაცრია აქ სამართალი“!
— რაც თქვენ მოგვშორდი, აი იმ დღიდან,
ჩვენ იმ ვალისა არ ვიცით არა;
მთელი ქონება უძრავ მოძრავი,
მემკვიდრეებმა მყის ჩაიბარა,
და ხალხი, ხალხი „შენი სიცოცხლე“,
დარჩა იმედის მხოლოდ ამარა!
— „იქნებ არ სთხოვეს“? „ეხლა მოსთხოვეთ“!
— თხოვნით ბატონო კი ვსთხოვეთ მარა,
ვინ შეგვიბრალო, კიდევ დაგვცინეს,
მხოლოდ სახელი შეგვჩა, „მთხოვარა“.
შემდეგ მოვსთხოვეთ და ამ მოთხოვნას,
თუ დამიჯერებთ, იცო რა უყვეს?
აიღეს „პერო“, გაღესეს წვერი,
ხან იქ მოუღვეს, ხან აქ მოუღვეს;
ზოგს, რომელს ენა ამჩნიეს გრძელი,
მყისვე ლაგამი პარში აუღვეს
და ის ხუთასი აწ და მარადის
და უკუნითი ჯიბეს ჩაიდვეს.
— „შერცხვენა მაგათ! ერთი ეს მითხარ,
„კოპერატივი“ რა უყვეს განა?
ხო აყვავილდა, როგორც ველოდით,
ხომ შეიმატა, მიეცა ძალა?
მე ეს მახარებს, ჩემი სიცოცხლე
იმას შევსწირე დავქლექდი თანა,
მრწამდა, რომ ერთ დროს ჩემს წყლულს, იარას
დააფასებდა მთელი ქვეყანა“.
— „კოპერატივებს“? რა უნდა გითხრა
წარმოიდგინე თქმაც მეძნელება.
ყველა დაინგრა, გაანადგურა,
ხალხის უღირსთა შეილთა ხელებმა.
— „უი ჩემს თავთა!“ და ჩაიკეცა,

მოხუცმა იწყო ქვითინი მწარე
და ამაების თვალთ მნახველმა,
ვფიცავარ, მრავლათ ცრემლები ვღვარე.
როს გონს მოვიდა, წყნარის ხმით მითხრა:
— „რა რჯულის-იყო ამის ჩამდენი“?
— რა რჯულის? აი, კვლავ ჩვენებურნი,
ჩვენი რჯულისა, ისევ ქართველნი!
— „მაშ ჩვენებურნი, ისევ ქართველნი?
ოხ დაიწყველოს მაგათ სახელი“!
„ერთი ეს მითხარ, რამდენი იყვენენ,
ან არ ვინ გაჩნდა ხელის შემშლელი“,
„როდესაც ხალხის ნაწვავ ნადაგი,—
განადგურეს „ოჯახი“ მთელი“?
— ხელის შემშლელი? იქ იმერეთში?
დამცინი განა, შენ-შენსა ღმერთსა?!
ჩვენებურები, ასეთ საქმეში,
შეარცხვენს განა მთელ ჩვენსა ერსა?!
ხელის შემწყობნი კი ბლომათ ჰყავდა,
ყველა შესცქერდა სარგებლის თვალთ
და უკაცრავათ არ დარჩენილან,
სახლში დაბრუნდნენ დიდის ნადავლით.
— „ოჰ, ასეთები, ჩემს დროსაც იყო,
მაგრამ დღეს, დღეს ხომ სულ სხვა დროია,
ძველს უმეტრებას რა ადგილი აქვს,
დღეს ხალხი მეტის მოსათხოვია...
მაშ ასე, ჩვენი „კუხის ფარდული“
არ არის არა, დანგრეულია?
ან ჩვენი გუბის „კოპერატივი“,
ჩემი სული და ჩემი გულია,
თან მისი ორი განყოფილება,
აღარ უდგია არც ერთს სულია?!
ან იმის ნაცვლათ რადი დარჩა,
რა არის მასზე აღმართულია?
იქნებ პროგრესმა ის გადალახა,
ხომ იცი, ნიქი ერთობ რთულია
და მითხარ, აგი თუ აგრე არის,
გულისთვის დიდი სიხარულია“...
— არც კუხის— გუბის— განყოფილებით,
არ არსებობენ. სული დალია;
არც პროგრესს, ნაცვლათ რამ მოუცია,
წინ სვლაი, ისევ შენახულია!...
ჩვენ მეზობლებმა „კოპერატივი“
ეხლა დაიწყეს მიყვეს ხელია,
თვისი თანხმობით და შეგნებითა,
მუშაობა აქვთ ერთობ ცხელია.
ჩვენ კი ერთ თავთ ყველა დავკარგეთ,
რაც წინ, ათი წლით, შეგვიძენია...

ანდაზა ამბობს: „უღირსი შვილი მშობელთა თვისთა შემარცხვენია ფირუზის თვალი, მალაყანწასთვის უსარგებლოა, არათელია... და ჩვენაც აგრე, შენგნით მოძღვნილი ფირუზის თვალი ვერ შევინახეთ, შენი სახელი, ფას დაუღები, ვაგლახ გავსვარეთ და შევიგლახეთ. — „მე არა მიშავს ისევე ისა ვარ, მხოლოთ ეგ არის ჩემგან საწყენი, რომ შეუგნებლათ დაიარებით? და მით გამხთარხართ თავისი მტერი, ეხლა ვიკითხავ ამისთვის მოდი? სხვა ჩემგნით—გინდა ხომ არათერი?“ — მართალი გითხრა, მე სხვა საქმე შექვს და იმ წარსულში არასა მოველი!

რაც ჩვენ დავგზორდი, იმ დღიდგან წყლსა შეგისრულდება თქვენ მთი წელი და ხალხისაგან—დაფნის გვირგვინი, პირ, რაბი... წამოვიღე და თანვე მოველი. — „ჩემი ამაგი, იმ ხალხისათვის, ხომ ინდოეთის „ხურმა ხილია“ და სიქმითა სჩანს არ ნაფუასებვარ, ჩემი ამაგი აღმოფხვრილია?! მაშ ხალხისაგან დაფნის გვირგვინი, დღეს არ ეკუთვნის ჩემს მტერალს თვმღებს, წაიღეთ ეგე, იმას უძღვენი, თქვენს წამხთარ საქმეს ვინც მოაგვარებს... გამომეღვიძა, ზე წამოვიქერ, „პოლსაპოქებსა“ უშინჯავ ნალეზს, უნდა ვეძებო, იქნებ ვიპოვო— ვინც აღასრულებს ამ დანავალეზს!!

დასავლეთის ასკარეზეე.



ბრძოლა შაერში.



ო მ ი ს ი ლ ი უ ს ტ რ ა ც ი ა .



ლაშის ბრძოლა კარპატის მთებში.



გამხდარი. ომის დაწყებამდე წინდის ჩხირით იცავდა და ნუ თუ მწუხარებამ გაგასუქა. მსუქანი. ასეა მუდამ. ზოგს მწუხარება ასუქებს, ზოგს მხიარულება.

ხუცების საუბარი.

(აანხუთასკენ)

ვასილა შეხვდა ილიას;
 უთხრა: შენდობა მამაო!
 როგორ გყავს „რემოი“ გენაცვა?
 როგორ აიღე დრამაო?

ილიამ უთხრა: -ვასილაგ
 დაფიდვა ცუდი ხანაო!
 ეხლა ხუცობას სჯობია
 გაალო ყავახანაო.

საშოვარი ხომ კლებულობს,
 სიტყვებიც გვესმის ავია...
 შიმშილით ძმაო კისრიდგან
 აგერ წამწყდება თავია.

დავტოვე დემოკრატობა
 და შავიქენი ნაკურ თხი;
 ვფიქრობდი: დამირჩებოდა
 მულამ საკმაოთ საკურთხი.

მაგრამ სოფელში ამბობენ:
 მკვდარს ჰამა აღარ უნდაო
 აბა დამხედე მუცელზე...
 ცარიელი მაქვს გულაო.

ვასილამ შექნა სიცილი
 ამ სიტყვის გაგონებაზე
 გადუსვა ჩოჩორს ხელი და
 მყის შემოახტა გავაზე.

ლენის-პირალი

კორესპონდენტობია.

(სამეცნიერო მიმოხილვა)

კორესპონდენტობიას უწოდებენ ჩვენში მეტად გავრცელებულ ავადმყოფობას. იგი არ ინდობს არც ახალგაზრდას, არც ქალს, არც კაცს. მას ვერ ემალება ვერც ერთი ქართველი ადამიანი.

გამოჩენილ პროფესორთა მიკირტიჩ ულუნწიანცისა და სოლომონ ჭყიპურტანძის გამოკვლევით ეს ავადმყოფობა არის შემოტანილი საზღვარ გარეთიდან და გავრცელდა ჩვენს პატარა სამშობლოში მას შემდეგ, რაც იწყეს გამოსვლა ჩვენში ჟურნალ-გაზეთებმა.

პირველ ყოვლისა ავადმყოფს აუვარდება ხელის ქავილი. იგი ცდილობს როგორმე დააკმაყოფილოს თვისი ხელები სხვა და სხვა მანიპულაციით, როგორც არის მაგალითად: ამხანაგის მუშტით დახელება, „ბარიშების“ ჩქმეტა, ხელებით სიარული, ტაშის ცემა და სხ. მაგრამ საბოლოოთ ამით ვერ კმაყოფილდება, ხანგრძლივი ფიჭრისა და ცდის შემდეგ იგი იკვლევს, რომ მის ხელებს დააკმაყოფილებს მხოლოდ საწერ-კალამი. ავადმყოფი წამსვე ყიდულობს ბლომად ქალაღს და იწყებს წერას. პროფესორი მიკირტიჩ ულუნწიანცის გამოკვლევით აქ ამ დროს ავადმყოფს სიცხეს მისცემს და შემდეგ, მთელი ავადმყოფობის განმავლობაში ოცდა თვრამეტ გრადუსამდე სიცხე რჩება. ციებ-ცხელება არ ემჩნევა. მხოლოდ თვალები აუკვიციმდება, ხშირად ჩუმად რაღაცას ჩიფჩიფებს და გაფიცებულ ტუჩებს ენით ილოკავს. ხელების ქავილის გარდა აგრედვე აუვარდება კბილების ქავილი და ბუნებისაგან დაწესებულ საქმელის გარდა ავადმყოფი ქალაღის ნახევებსა და საწერ-კალამის თავებს ღრღნის. ეს ყველა საერთო სიმპტომებია. ამის შემდეგ კი ავადმყოფობა ორნაირ ფორმად ისახვის: ერთი მათგანი გიხლავთ „რეცენზენტობია“, მეორე კი ავადმყოფობის საერთო სახელს ატარებს, ესე იგი „კორესპონდენტობია“. ზოგჯერ ორნივე ფორმა ერთად ეყრება ადამიანს.

რეცენზენტობია უფრო ადვილი გადასატანია, ვიდრე კორესპონდენტობია, რადგან ერთად ერთი საგანი, ესე იგი წარმოდგენები, რომლებზედაც ვარჯიშობს ავადმყოფი, ჩვენებური პროვინციის დრამატიული საზოგადოების შემწეობით, იშვიათად ამართება, ან კიდევ სრულებით არა. რეცენზენტობით სწეულდება იგივე სცენის მოყვარე,

როდესაც იგი პიესაში მონაწილეობას ათავებს, ეშლება ხელების ქავილი და სწერს...

პირველ ყოვლისა იგი, რასაკვირველია, თვის საკუთარ პერსონას აქებს და აღიდებს.

წერის დროს ავადმყოფთან მიახლოება საშიშია. მას შეუძლია იმ დროს ადამიანი მოჰკლას, რადგან ექსტაზშია და ამ ქვეყნის ცოდვა-სამართლის აღარაფერი ესმის. სწერს იგი დიდ-ხანს, შემდეგ აწერს თვის ფსევდონიმს.

ფსევდონიმებს ამნაირად სთხზავენ. მაგალითად: თუ ავადმყოფის სახელი და გვარი ყარაიმან პამპულაშვილია, იგი აწერს „ყანპარიძე“, ან „ყანპირ“-ს, ან კიდევ „ნამარაყ ილიგშალუშპაპ“-ს.

საგრძობლად ხელს უშლიან მათ განკურნვას ჩვენი რედაქტორები. გაგზავნის თუ არა ავადმყოფი თავის „კალმის ნაეშმაკარს“ რედაქციაში, რამოდენიმე ხნის შემდეგ ისეთ პასუხს შესთავაზებენ „ფოსტის“ საშუალებით, რომ პირიდან დორბლებს აყრევიანებენ საწყალ ავადმყოფს.

ჩემის აზრით საჭიროა, მათი ყოველი ნაწერი დაბეჭდილ იქმნას სპეციალურ ორგანოში, რადგან ნაცადია, რომ თუ მათ ლაპარაკში არ შეჰყვევით და არ გააღიზიანეთ, იგინი მშვიდად არიან და ხშირად სრულიადაც ინკურნებიან. რეცენზენტობით ავადმყოფსაც ამგვარივე მოვლა სჭირია.

მეორე ფორმა ავადმყოფობისა, ეგრედ წოდებული კორესპონდენტობია, უფრო რთულია, ვიდრე პირველი.

ამ ჯურის ავადმყოფებისათვის საჭიროა ქუჩის ტალახი, ღვინის სარდაფები, ბიბლიოთეკა-სამკითხველოები, ნარდ-კარტი გურიში და, ამ ბოლო დროს, ომი. მოგვხსენებათ, რომ ჩვენში იმ ქალაქს ქალაქსარ უწოდებენ თუ იქ ქუჩებში ტალახის წუმპეები და აგრეთვე სირაჯხანები არ არის. ავადმყოფსაც ეს უნდა! ჩავა ნუნუას გადასაკრავად სარდაფ-სირაჯხანაში, კარგა რიგინად გაიქციაება, შემდეგ ამოვა ქუჩაში და რადგან ქუჩა საკუთარი ბინა ჰგონია და წუმპე კი თვისი ლოგინი, წუმპეში ლაზათიანად ამოიგანგლება.

მეორე დღეს კი იგი თვის უკმაყოფილებას ჰსახავს ქალაღზე და რედაქციისაკენ ისტუმრებს.

ყველაზე მეტი კი ჩვენ პრავალ ტანჯულ ბიბლიოთეკა სამკითხველოებს ხედება. მათი ლანძღვისათვის ავადმყოფებს რამოდენიმე სისტემა აქვს დაწესებული.



ევროპის ომმა მათ ნაწერებზედაც იმოქმედა, იგინი ხშირად ხმარობენ სხვა და სხვა სამხედრო სიტყვებს, მაგალითად: სტრატეგია, ტაქტიკა, კონტრ-იერიში და სხვა.

კორესპონდენტობით ავადმყოფებს აგრეთვე ჩანერგული აქვთ ჭკვაში, თითქო სამედიცინორო სამართალი მართო მათთვის იყოს გამოგონილი და ამიტომ იგინი წამდა უწუმ მას მიმართავენ. ძაღლმა რომ დაუღრინოს ავადმყოფს იგი წამსვე ზიზღით მიუბრუნდება ოთხფეხ თავხედს და რიხიანი ხმით შესძახებს:

— გიწვევ სამედიცინორო სასამართლოში, რადგან შენი ქცევა ჩემი პიროვნების დამცირებაა... ჩემის მხრივ მედიცინორებად ვნიშნავ ყლუნწი ყანწაძეს და ჭყურტი ნუნუაშვილს... ვადას გაძლევ ორ კვირას...

ამ რიგად, ბატონებო, საჭიროა ადრევე მივიღოთ შესაშერი ზომები და გამოცდილი ექიმების დახმარებით შევუდგეთ ამ ეპიდემიის აღმოფხვრას, ან შესუსტებას, რადგან იგი ვასაოცარი სისწრაფით ედგება ჩვენს პატარა სამშობლოს და ბევრ ჯანღონით სავსე ადამიანს ასნეულებს.

გამოკვლეულია, რომ ამ ორი თვის წინედ ოთხმოცდა ცხრამეტ ნახევარი პროცენტი ქართველებისა კორესპონდენტობით იტანჯებოდა, ასე რომ ას კაცზე ნახევარი კაცი და არის ჯან-სალი და დარწმუნებული ვარ, რომ ამ ნახევარ კაცსაც მალე იმსხვერპლებს უღმობელი ეპიდემია.

დიდი სიფრთხილე ჰმართებს ჯან-სალ ადამიანს. იგი არ უნდა გაეკაროს არც ერთ ქართულ ქუჩაღზეთს. ბიბლიოთეკაში შესვლისაგან ღმერთმა დაიფაროს!..

აგრედვე იგი მუდამ იმის ცდაში უნდა იყვეს, რომ არ დაუახლოვდეს კორესპონდენტობით ავადმყოფს.

მხოლოდ ამ ზომებით იქნება ის დაზღვეული საზარელ ეპიდემიისაგან.

გურჩევ ყველას, თავისსავე სასარგებლოდ, რომ დაუყონებლივ მიმართონ ექიმს, თავის მახლობლებზე ავადმყოფობის პირველივე სიმპტომების აღმოჩენის შემდეგ, ესე იგი მაშინ, როცა ავადმყოფი დაიწყებს ღრიალს: „ხელი, ხელი მექავება! გამეცალეთ, მიშველეთ, ქალღმერთი მომიტანეთ“ — და სხვა. მხოლოდ ექიმის პრესვლამდის შეიძლება ში-

ნაური ზომები იხმაროთ. ავადმყოფი ხეზე მაგრად მიაბით თოკებით და ცივ წყალში დასველებული ტილოებით დაუზილეთ ხელები და კეფა. არ იქნება ცუდი, რომ ფეხებიც დაუზილოთ, რადგან ყოფილა შემთხვევები, რომ ავადმყოფს ფეხების ქავილიც ასტეხია და ფეხებით უწერია კიდეც, ამ უკანასკნელით აიღსნება ის, რომ ხშირად ჩვენს ქურნალ-გაზეთებში მოთავსებულ რეცენზიებს და კორესპონდენტციებს რაღაც მყრალი, ფეხის ოფლის სუნი ასდის ხოლმე.

ერიდეთ, ბატონებო, ერიდეთ კორესპონდენტობით დასნეულებას, რადგან იგი უსაშინელესი ავადმყოფობაა და მისგან სრულებით განკურნება მეტად ძნელია...

ყოფილი პროფესორი მის აღმატებულების უჯოჯოხეთეს ტარტაროზის სახელობის უნივერსიტეტისა.

გუგული.



ჭიკ-ჭიკას. „ბ-ნო რედაქტორო! ამთავით ეს ერთი ლექსი დავწერე და თუ დამიბეჭდავთ, შემდეგ სხვებსაც დავწერ და გამოგიგზავნი“

აი ლექსიც:

„გულში ცრემლი ამიდულდა და საშინლათ ვაფრქვევ მეხებს როდის უნდა ბოლო მოეღოს ამ ნიაღვრებს ციდან მტეხრებს...“

ჩვენ აღარაფერს ვიტყვით, დაე მკითხველმა გასინჯოს: შეგიძლიათ, თუ არა „ამ თავით“ ლექსების წერა.

ხიღონიას.

„გაიხედავ, დაინახავ სასწაული ბრეული ხდება... ჩემი გული დაბრაკული ნეტავ როის გასაღდება“.

მართლაც რომ სასწაულების ხანაში ვცხოვრობთ. იმედი ვიქონიოთ თქვენი გულის გასაღებისა, მაგრამ თქვენი ლექსების გასაღების საქმე ყოველად უნუგეშო მდგომარეობაშია. ყოველ შემთხვევაში ჩვენი ქურნალი ვერ იკისრებს მათ გასაღებას.

ქალაქ თფილისში

გამოდის ყოველ-კვირეული იუმორისტული გამოცემა

ეჭმაკის მათრასი

ჟურნალის სამხატვრო და სალიტერატურო მხარეს განაგებენ **ეჭმაკი და თაგუნა**,
ხოლო გამოცემის საქმეს ა. გ. ბუკია.

ჟურნალის ფასი 12 თვით 5 მ. ♦ 6 თვით 3 მ. ♦ 3 თვით 1 მ. 50 კ. ♦ თვით 50 კ.

„ეჭმაკის მათრასში“ დაიბეჭდება მხალხური იუმორისტული შინაარსის წერილები, ლექსები, მოთხრობები, ზღაპრები, არაკები, შარადები, გამოსახულები, ნაკვესები და სხვა.

◆ ჟურნალში დაიბეჭდება საერთაშორისო ომის ილიუსტრაციები.

რედაქცია სთხოვს ყველა თანამშრომლებს, მასალები გამოგზავნონ

ამ ადრესით:

Тифлисъ *)

С. Р. Таварткиладзе.
Олеинская 6,
Почтов. яш. № 96.

(ეჭმაკის მათრასისათვის)



*) ეს ადგილი კონვერტზე მარკისათვის არის დანიშნული და გულმავიწყებს მოვავლებთ, რომ უმარკო წერილებს რედაქცია არ დაიხსნის. ◆ მიუხედავად, პინის ფოტოებზე